

Gezondj of krank

In de maatsjappiej van huu,ij,
Gieëf 't zich twieë soarte kranke luuj.
De een soort haet lichamelijke klachte,
Diej lieërt bieej der dokter geduldig wachte.

Dees luuj kinne neet mieë good bewaege;
Este ieësj gezondj woasj, vilt dat taege.
Soms zigke de luuj es-te in soda zits te bieë:
"Dae doa is krank, dat kins-te zieë."

Biste psychisch krank, dà geleuf dich ginne.
"Hae zuut toch good oet, blif alleen vêul binne."
Of ze zigke van achter hun roete:
"Is dae doa krank? Dae lup toch boeete."

Vêul van diej psychische kranke,
Hubbe dees kwoal aan hun werk te danke,
Want ofsjoëen minder luuj noe wirke goa,
Mot doeër hun mieë werk waere gedoa.

Es kranke zich dan waal ins treffe,
Geet me pas opnuuj beseffe,
Wat jieëdere kranke, vrow of man,
Vuuër inne angere nog betekene kan.

Gezonj luuj beseffe nog ummer neet,
Dat es inne poal boave water sjteet,
Wat gezondjheed is, dat wit me pas,
Es-te ze al neet mieë has!

Taege gezonj luuj zow ich wille zigke:
"Zit blij, dat gieër neet i gebid mot ligke.
En goat ins dikker, neet alleen i gedanke,
Op bezeuk bieej inne uch bekinde kranke."

F.J. Peiffer

De Ruusjerbaek

De Ruusjerbaek, diej sjtreump neet mieë
Doer de buusj van Sjlvend Ongerbanke.
Wae neet gans sjael is, kint 't zieë,
't Is werkelijk om van te janke.

Uëver kaalsjlaag wuuërt noee vèul gesjproake,
Want beum, doa houte vieër toch van,
Mèr hat zich al inne de kop gebroake
Uëver dit baekske; wiej kint dat dan?

Want wat is buusj mit beum en dere,
Es doa geen Ruusjerbaek mieë lup,
Kinne vieër 't os dan permittaere,
Dat heem de kraan ins neet mieë drup?

Kìnt zoeë get waal in Ongerbanke?
Kìnt zoeë get mit os Ruusjerbaek?
Maak uch doa uëver mèr ins gedanke,
Es gieër fietst of wanjelt jieëder waek.

F. Peiffer

Aaftille

Eén, twieë, driej,
Veer, vieef, zus, zieëve.
Kin ich dich
ee breekke sjrieëve?
Eén, twieë, driej,
veer, vieef en zus.
't Lik al bieej dich
in de bus.

Aaftilversje

“Woeë gees-te haer?”
“Noa Sjaeremaer.”
“Wat gees-te vange?”
“Watersjlange.”
“Eén of twieë?”
“Missjien waal driej,
Mèr diej và dich
Is neet d'r bieej.”

F.Peiffer